



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 3. Vtrum verum sit quod dicitur in resp. ad 2. Impossibile esse vt
actus à voluntate elicitus sit ultimus finis.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

DVBIUM III.

*Virum verum sit quod dicitur in responsive
ad secundū. Imposibile esse ut actus a vo-
luntate elicetus sit ultimus finis?*

8 **V**identur enim esse falsum; quia potest quis vltimum finem constitutere in delectatione spirituali, quæ est actus voluntatis. Et quidem de actu amoris & desiderij, non est dubium; quia hi actus non expetuntur nisi propter obiectum, vt illi inhæreantur. Solùm difficultas est de gau- dio, quod est actus quidam voluntatis vltimo re- fultans ex bono adepto; vnde videtur posse esse vltimus finis seu vltimum appetibile.

Sed etiam si gaudium propter summam suauitatem quam secum adfert, & qua formaliter af- ficit voluntatem, dignum sit quod per se expectatur, tamen non potest esse vltimum exper- dum.

Ratio est, Quia etsi gaudium sit vltimum bo- num quod resultat in animo, non estimatur tam- men esse principale & præcipuum bonum & maius enim bonum censetur possellio illius obiecti, qua est fons gaudij, quam ipsum gaudium. vnde reuera illud gaudium est propter bonum possel- sum tanquam propter finem; vt supra dictum est.

Potest quis sibi volu-
ptate car-
nis expe-
ri patet in
Epicureis.
*Potest quis sibi constituere tamquam finem vlti-
mum, seu tamquam primum appetibile; quia
cum hac delectatio oriatur ex rebus infinitis nul-
lam excellentiam habentibus, ob quam expetan-
tur seclusa delectatione; tota, vel certe princi-
palis ratio appetendi illam, est ipsa delectatio;
vnde delectatio ipsa estimatur vt maius bonus
& principalius, ad quod consequendum illa apper-
tantur veluti media.*

Hinc patet verum esse quod ait D. Thomas, si qua actio humana sit vltimus finis, ipsam esse imperatam à voluntate: nam hæc delectatio est actus imperatus.

Dices Primo, Ergo verum non est omnem actionem humanam esse propter finem.

Respondeo Negando Consequentiam, Nam ista delectatio quatenus est actio humana, est propter seipsum, vt est passio; idèo enim illam vult elicere, vt eius suauitate afficiatur. D. Thomas autem nihil vult aliud quām in omni actio- ne libera aliquem intendi finem, sive extrinsecum sive intrinsecum; quod fit, quando quis vult delectationem propter seipsum.

Dices Secundo, Ultimus finis est visio Dei, tamen hic actus non est imperatus: ergo non est verum si actio humana sit vltimus finis, illam esse imperatam à voluntate.

Respondeo Negando Consequentiam, Quia visio Dei non est actio humana; non enim subdita est nostra libertati; sed est actio supernaturalis, quæ per modum naturalis operationis elicetur, nempe necessariò: loquitur autem D. Thomas de ultimo fine quem homines sibi consti- tuunt, qui semper est aliqua actio humana.

ARTICVLVS II.

*Vtrum agere propter finem sit pro-
prium rationalis natura?*

C Onclusio Prima, Omne agens generali quadam ratione dicitur agere propter fi- nem, quatenus per suam actionem tendit ad aliquid determinatum, quod est finis illius ope- rationis.

Conclusio Secunda, Sola natura rationalis propriè dicitur agere propter finem; quia co-^{Affirmat.}gnoscit & seipsum mouet in finem.

Notandum, Tria esse rerum genera: Ratione prædicta, sensu prædicta, ratione & sensu carentia. Horum omnes operationes tendunt ad aliquod determinatum, quod est finis cuiusque opera- tionis.

Sed sola ratione prædicta propriè dicuntur a- gere propter finem; idque ob duas causas. Pri- ma, Quia sola cognoscunt rationem finis & me- diorum, id est, obiectum propositum esse per se conueniens & propter se appetendum; & hæc media esse utilia ad talen finem. Secunda, Quia sola se determinant ad suas actiones, idque ex vi cognitionis finis; vnde non solum operantur propter finem, sed etiam seipso mouent & agunt in finem.

Sensu prædicta seu bruta non ita propriè agunt ob finem: tum quia nullo modo cognoscunt illud bonum, quod est finis operationum; tum quia penitus à natura sua sive à Deo sunt deter- minata ad suas actiones. Itaque aguntur in finem, sicut sagittæ in scopum.

Hinc sequitur Primo, Omnes & solas actiones proprias natura rationali, quatenus à tali agente procedunt, fieri propriè & formaliter pro- pter finem: quia hæc omnes & sole procedunt ex formalí cognitione finis.

Secundo, Actiones aliarum rerum, vt pro- cedunt ab ipsis rebus, non fieri propriè & for- maliter propter finem; quia causa finalis non exerceat in ipsis propriè vim suam, cum eam non cognoscant, & finis non exerceat vim suam nisi cognitus: tamen quatenus cedem actiones sub- sunt directioni diuinæ, & quadammodo à Sa- pientia diuina procedunt, sic propriè sunt pro- pter finem. Duplici autem ratione illæ actiones pro- cequentur à Deo: Primò, Ratione vir- tutis actiæ per quam fiunt: Deus enim per suam sapientiam, ac proinde ob certum finem, omnem vim agendi qua est in creaturis, ini- tuit, formavit, & conferuat. Secundò, Ra- tione concursus generalis, quem Deus ad singu- las operationes, ob certum finem exhibit. Ra- tione prioris dependentiæ, omnes actiones re- rum fiunt ob finem certum; sicut motus fa- gitæ fit ob certum finem. Sicut enim cum Sa- gittarius ob certum finem imprimet sagitte im- petum ad motum, ille motus prouenit ex vi impressa, & consequenter ex intentione sagit- tarij: ita Deus, quia singulis rebus impressit vires ad certos fines, operatio manans ex illis viribus, manat ab intentione Dei, & fine à Deo concepto, adeoque illi, vt auctori, adscri- benda.